

26. august 2014

UKA 2014/90

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Iviangikkut kræfteqalersimasut siusinnerusukku katsorsarneqarsinnaalernissaat siunertaralugu ivianguit tarrarsuummik (mammografi) pilersitsinissamut ujartuinissaq siunertaralugu Naalakkersuisut misissuinermit kingusinnerpaamik 1. august 2015 saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Evelyn Frederiksen, Siumut)

Tungavilersuut:

Ullumikkut peqqinnissaqarfik imak aqqissugaavoq: Pasitsaassaartoqarpat ivianguit kræfteqarnermit, ivianguit peersivigineqartarput piigarlut qallunaat nunaannut nassiunneqartarluni misissugassanngorlugu. Tungavissaqarpat annertunerusumik misissortinnissamut pineqartoq qallunaat nunaannut misissortikkiartarluni aallartinneqartarpoq. Taamatut ingerlatsinermit aqut takisoorsuaq atorneqartarpoq piffissarlut ilaatigut sivosooq ingerlasinnaasarluni paasisaqarnissap tungaanut. Siusinaartumik iliuseqartoqartassappat misissortinnissamut periarfissat aamma nunatsinni pitsaanerusariaqartut isumaqarpunga.

Ullumikkut kræftimut pilersaarummit ivianguimikkut kræfteqalersartut misissortinnissamut periarfissinneqarput 50-iniik qummut ukiullit kisimik, kiisalu kingornguttakkamik peqarsinnaasut. Nappaat oqaqqaarneq ajormat misissortinnissamik periarfissaq kialluunniit atorsinnaasaa pilersittariaqarparput, tassani ilanngullugit misissuinerit sukkanerusut, soorlu aamma anguniagaq tamanna nunanik avannarlernik suleqateqarnikkut anguniarneqarsinnaasoq.

Siunnersuutip aningaasatigut allaffissornikkullu pisortanut kinguneqaatissai

Siunnersuummik akuersineq Namminersorlutik Oqartussanut allaffissornikkut aningaasartuutaassaaq. Misissuineq AC-tut atorfillip ukioq ataaseq sulineranik naleqassasoq naatsorsuutigineqarpoq, aningaasanngorlugu 500.000 kr.-nik naleqassalluni. Suliassaq allaffissornermut aningaasaliissutaareersut iluini pingaarnersiunikkut naammassineqassaaq.

Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai

Soqanngilaq.

Siunnersuutip innuttaasunut allaffissornikkut aningaasatigullu kinguneqaatissai

Soqanngilaq.